

L'inondasion dël Pò

(1970)

di Fausto Amodei

Periodo: Il mondo "globalizzato" (1990 - oggi)

Lingua: piemontese

Tags: satirici

[Indirizzo: https://www.ildeposito.org/canti/linondasion-del-po](https://www.ildeposito.org/canti/linondasion-del-po)



Për che rason ël Pò a l'è anrabiassse
a l'ha ampini soe val con dl'aqua àota
dësbland i pont, le strà, le cà, le piasse
quatand sità e campagne con soa pàota?

La rason l'è che ël Pò a l'ha vist rivé
coj dla Lega che an man tnisio 'd le ampole
pëe porteje via l'aqua al Pian dël Re
e a l'ha tacà a criè: Chi a son 'ste ciole?

"Che, tute vestie ëd vèrd, con l'armadura
gieugo aij babacio, sensa fé 'na piega!
Esse balengo sì, ma con misura,
picio va bin, ma nèn com koj 'd Lega!

Coj òmo vèrd son mnù sota ël Monvis
con an testa na fissa, coma un ciò:
cola ëd pijesse mia aqua a la sorgis
për fe la sirimonia dël dio Pò.

Prèive ëd na veja religion pagan-a
son tramudase ëd colp tuti in crosià;
fin la Ciesa Catòlica Roman-a
për lor a l'è venduse ai fieuj d'Allah!

Adess për lor combate l'Alcoran,
a l'è na fissasion, a l'è na smania:
contra moschee, Maométte maometan
son cissà coi gadan ëd la Gadanìa.

Mi, parland come Pò, bin pi ëd na vòta
j'eu vist gènet d'ògni sòrta, sie sle mie arvere:
imperador, tiran e patriòta,
prinssi, baron, soldà 'd tute bandiere.

Tuti i mnisiò con spa, fusil e lansa
për pianté arlongh mie sponde ël sò drapò,
d'Austria, d'Italia, Almagna, Spagna e Fransa
col but -për drit divin- ëd pijesse ël Pò.

Ma, cristo, i ero ëd gent ch'i avio i cojon
quàich vòlota ëd lasaron, ma sempe svicio:
Visconti, Este, Gonzaga, Napolion...
sensa confront con costa banda ëd picio!".

L'è për Iòn, brava gent, ch'a l'è nen vera
che ël Poò l'abia anlagà la soa pianura
për quistion riguardant tuta la tera
ch'a l'è bele antossià, l'è pi nen pura,

pëerché a i è tròp dë mniss ant l'aqua e ant
l'aria,
e i montagnin bandon-o le soe baite,
fium e torent son mach na dëscaria
e ij euvre ëd protession a son malfàite.

Se tanta provra gent a l'è trovase
coatà d'aqua e d' paciòch soa cà e botega,
la rason l'è che ël Pò a l'è anrabiassse
mach për copa ëd coi picio frust 'd la Lega.